


I 7 6 6





DE STAPHYLOMATE. THESES ANATOMICO - CHIRURGICÆ,

*Quas, DEO JUVANTE, & Præside M. PETRO SUE,
Artium Liberalium nec-non Chirurgiæ Magistro, Regiæ
Chirurgiæ Academiæ Socio, & in Generali Parisiensi
Præfecturâ Chirurgo ordinario, tueri conabitur ROCHUS-
MARIA DUBERTRAND, Parisinus, in almâ Universitate
Parisiensi Artium liberalium Magister, & in nosocomio
dicto L'HÔTEL-DIEU internus Chirurgus.*

P A R I S I I S,
IN REGIIS CHIRURGORUM SCHOLIS,

*Die Sabbati trigesimâ primâ Maii, anno salutis 1766, à sesqui-
secundâ post meridiem ad septimam.*

P R O A C T U P U B L I C O
E T
M A G I S T E R I I L A U R E A.



Typis P. A. L. L E P R I E U R, Regii Chirurg. Collegii
Typographi.

M. DCC. LXVI.

DE STAPHYLOMATO.

THESE

ANATOMICO - CHIRURGICÆ.

Quæ, D. NO JUVANTE, & Præside M. PETRO SUE,
Anno Liberalium nec non Chirurgiæ Magistro, Regiæ
Chirurgiæ Academiæ Socio, & in Generali Parisiensis
Facultatis Chirurgi ordinario, tunc condita Rochæ-
maria DUBERTAND, Parisiensis, in alia Universitate
Parisensi Anni Liberalium Magister, & in nosocomio
dico à Hôtel-Dieu internus Chirurgus.

PARISIIS
IN REGNIS CHIRURGICORUM SCHOLIS.

Die Sabbati viginti primi Martii, anno Domini 1786, à Sepius
semita post mortem ad postumum.

PRO ACTU PUBLICO

ET

MAGISTERII LAUREÆ



Typis P. A. L. P. R. I. V. I. R. I. Regii Chirurgi Collegii
Typographi.

M DCC LXXI



D. O. M.
 T H E S E S
 ANATOMICO-CHIRURGICÆ.
 DE STAPHYLOMATE.

N I H I L in hoc spectabili mundo pulchrius homine. Nihil in homine dignius capite : nihil in capite vultu decentius ; nihil in vultu oculis elegantius & amabilius. Sic ad organi visus demirationem gradatim nos adducit celeberrimus Anatomes Professor *Riolanus* (a). Innumeris tamen sævissimisque morbis nonnunquam discruiatur oculus. Ipsa sola cornea infirmitis potest affici malis. De non raro hujus-ce membranæ affectu, de Staphylomate acturi, permanens exigit consuetudo Anatomicam partium saltem earum descriptionem, quæ vel tanquam morbi sedes habentur, vel huic maxime approximantur.

(a) *Anthropog.* Lib. IV, pag. 4, de oculo.

E X A N A T O M I A.

O C U L U S, visûs organum, sphæricum, in orbitâ situm, multisque circum-vallatum partibus ipsius motibus inservientibus, ipsumque vel à corporum extraneorum violentiâ, vel etiam ab aeris injuriis deffendentibus. Multiplicis sunt generis illæ partes, externæ & internæ, communes & propriæ, duræ & molles. Externæ sunt ossa orbitam formantia, cutis, pinguedo, supercilia, palpebræque cum harum musculis: internæ à nobis tantummodò describendæ ad duas classes reducimus. 1°. Quædam inter orbitam & bulbum oculi offenduntur, quales sunt glandula lacrymalis, & musculi tum directi, tum obliqui; 2°. aliæ bulbum oculi unicè efformant, quales sunt ipsius tunicæ, atque humores.

*Glandula
lacrymalis.*

I N utriusque orbitæ superiore anterioreque parte propè angulum oculi minorem fovea est minimi digiti extremum admittens, quæ à glandulâ ex conglomeratarum genere *lacrymalis* dictâ occupatur. Hæc glandula plurimis aliis minimis efformatur in glomerem coactis, communique membranâ cinctis. Numerosos singula habet excretorios rivos sese invicem conjungentes, moxque in sex vel octo exiles longosque ductus desinentes, in bobus quidem valdè apparentes, in homine vero vix conspicuas. Ex his stillat rorida, pellucida, dulcisque lympa *lacrymarum* nomine cognita, lubricando globo, corneæque glabritiei ac pelluciditati conservandis, maximè inserviens. Postea verò per aperturas *puncta lacrymalia* dictas resorbetur, & in saccum *lacrymalem* detruditur. Glandulæ lacrymalis vasa *hygrophthalmica* cum autore Neoretico (a) vocare non dubitamus.

Musculi oculi.

S E X musculis gaudet oculus, quatuor rectis & duobus obliquis. Cuique recto peculiare nomen est. Superior superbus vel attollens, inferior deprimens sive humilis, interior adducens vel bibitorius, exterior denique abducens sive indignatorius. Ab osseâ orbitæ circumferentiâ foraminis nervo optico transitum præbentis propè centrum nascuntur omnes, & in corneam desinit quisque per tendinem gracilem & aponevroticum: sic à parte hujus foraminis superiori natus superbus musculus, in partem corneæ superiorem suâ alterâ

(a) *Essais anatomiques de Lieutaud, pag. 123.*

extremitate desinit; sic à parte hujus foraminis inferiori natus humilis musculus in partem corneæ inferiorem suâ alterâ extremitate desinit. Duo postremi musculi adductor scilicet & abductor ab unâ quâque parte laterali incedentes duos oculorum angulos perunt, nempe primus majorem angulum, & secundus minorem. Musculi oculi obliqui numero duo, magnus & parvus. Ille qui trochleator etiam vocatur à parte laterali & internâ orbitæ venit, ad partem majoris anguli superiorem sensim progreditur, & in hoc loco per tendinem desinit qui annularem cartilaginem trochleam dictum sub-actus, versùs minorem angulum prope musculum abductorem suam habet insertionem. Hic à parte inferiore & exteriore orbitæ progrediens suprâ duorum maxillæ superioris ossium unionem, partem corneæ inferiorem tegit, suumque in eâ finem invenit prope minorem oculi angulum.

OMNI ipsum involvente parte spoliatus oculi globus, tantum massa solida tunicis & humoribus constans consideratur. Tunicæ numero tres: harum exterior scleroticæ vel corneæ, media choroideæ vel uveæ, posterior tandem retinæ nomine salutarur. Humores quoque tres: primus aqueus, secundus crystallinus, tertius vitreus dicitur.

*Globi Oculi
descriptio.*

MEMBRANA cornea dicta aliis crassior duas in partes dividitur, nempe in posteriorem, majorem, corneam opacam vel potius scleroticam nuncupatam, & in anteriorem, minorem, corneæ pellucidæ nomine insignitam. Prima densa, albicans, compacta structuram ferè inextricabilem exhibet: eò magis decrescit hujus crassities, quò plus ad partem oculi anteriorem progreditur. Plurimis quoque vasibus sanguiferis, tum nerveis perforatur ipsius substantia. Secunda sive cornea pellucida plurimis lamellis arte facili separabilibus conflata (a), quamvis opacæ series, textum tamen longè diversum habet, & ea certè fuit causa cur illam tunicam particularem quidam dixerint in sulcatâ scleroticæ periphæriâ per commissuram tantum receptam, ita ut duæ illæ membranæ sint contiguæ, non verò continuæ. Hujusce opinionis tum deffensione, tum oppugnatione omisâ, experientia solus sit judex. Si in aquâ communi macerandus per plures dies relinquatur oculus integer, postea vero fervidissimam immergatur in aquam per aliquot horæ secundas, cor-

Cornea.

(a) Academ. prælect. Boerrhave, tom. IV. pag. 272.

neæ separatio à scleroticâ statim vel saltem post brevissimum tempus fit, nec ulli in hâc observantur sulci: unde concludi potest unionem corneæ cum scleroticâ per sulcos non fieri. Innumeri sunt in corneâ pellucidâ pori ex quibus limpidissimus stillat humor levem semper humectans hujus membranæ superficiem internam (a). A durâ matre nervum opticum involvente, & in membranam rursus expansâ suam ducere originem scleroticam uno ferè ore asserunt Anatomici (b).

Choroidea.

CHOROIDEA secunda oculi tunica induas abit lamellas quæ, teste *Hallero* (c) non nisi post diuturniorem in aquâ communî macerationem à se ipsis in homine separari possunt. Exterior lamella posteaquam internam scleroticæ superficiem ambiit, vix versus corneæ pellucidæ marginem devenit, cum scleroticæ firmiter annectitur per fasciolam quasi aliquam, inæqualis latitudinis, ut primus observavit *Winslow* (d), ligamentum ciliare à plerisque & plexus ciliaris à quibusdam dictam. Choroidea hoc in loco à scleroticâ secedit, & in modum septi transversî replicata telam efformat in medio circiter foramine rotundo (cui pupillæ nomen impositum) perforatam. Anterior telæ hujusce superficies iridem refert variis distinctam coloribus quorum origo nondum cognoscitur; posterior vero fusco nigrescente humore illita fibras radiatim dispositas processusque ciliares dictas exhibet. In cujusque processûs duplicaturâ subtilissimum deprehenditur rete vasculosum. Pupillam modò dilatari, modò contrahi quis nunc ignorat? Duplex ergo debet adesse muscularis potentia, alia dilatans, alia contrahens; corneæ ergo debent adesse fibræ ad hos motus absolutè necessariæ. Horum tamen existentiam *Meryus* (e), *Morgagnius* (f), *Hallerus* (g), negaverunt. Attentè vero cuique consideranti facilè apparent, illasque tandem in bove vidisse, atque etiam suis clarè demonstrasse auditoribus asserit medicus, & ophtalmiater peritissimus *Mauchart* (h).

(a) Vid. Act. Reg. Scient. Academ. an. 1721, pag. 310.

(b) Conf. de Corneæ Struct. Reg. Scient. Acad. Act. an. 1741.

(c) Vid. *Boerrhave*, Prælectiones Academ. tom. IV. pag. 144.

(d) Vid. Act. Reg. Scient. Academ. an. 1721, pag. 310.

(e) Vid. Act. Reg. Scient. Academ. an. 1721, pag. 310.

(f) In iisdem Act. an. 1704, pag. 352, §. 2, edit. Amst.

(g) Advers. Anat. 6, animadv. 69, pag. 88.

(h) In Prælect. jam cit. vol. 4, p. 146, not. 2.

ULTIMA oculi tunica sive retina sic ab *Herophilo* (a) primum nominata nihil aliud est quam nervi optici expansio. Eo enim è cranio egresso, & in orbitam ingresso, bulbum oculi interioris penetrat, & in quemdam globulum sive papulam desinere videtur, ex cujus periphæriâ nascitur retina per insensibilia filamenta suâ tunicâ spoliata, pulpamque medullarem efformantia quæ totum orbitæ cavitatis fundum induit, & ad ligamentum ciliare desinit (b), quanquàm annotante Celeberrimo *Winslow* (c), inter processus ciliares usque ad lentis crystallinæ circumferentiam progrediatur.

Retina.

Ex TRIBUS in interiore bulbi oculi parte contentis humoribus anteriorem partem aqueus, mediam crystallinus, posteriorem denique vitreus occupat. Aqueus humor limpidus, pellucidus, sine capsulâ, saporisque nec-non odoris expers, spatium crystallinum inter & corneam positum adimplet, in duas vulgò cameras divisum, anteriorem nempe præ uveam, posteriorem ponè uveam occurrentem. Cameras illas æquales quidam immeritò supposuerunt (d), cùm anteriorem quadruplo maiorem esse probetur, adeoque minimam esse posteriorem. Alii sunt autores (e) paucissimi quidem, qui ultimæ huiusce camerae existentiam omninò negant, uveam crystallinæ lenti immediatè applicari contendentes. Nobis vero si certis plurimorum Autorum observationibus propriam superaddere liceat experientiam, hanc semper nos observasse & perspicacissimè distinxisse lubenter asserimus (f). Continuo & indefinenter renovatur humor aqueus, ipsiusque distillationem ac resorptionem plurimæ demonstrant experientiæ: sed quænam sint vasa tale fluidum vehentia aut resorbentia determinare, quânam arte Mechanicâ vasa munus venarum implentia illud resorbeant assignare, hoc opus, hic labor est, & in hujus fonte quærendo sagacissimi quanquàm hucusquè multum desudaverint Anatomici, certam hujus derivationem nullus

Humor aqueus.

(a) Vid. ejus de Mydriasi thesim in *Halleri* selectis disput. tom. I.

(b) Hanc nobis suppeditavit explicationem *Heisteri* Anatomia edit. Gallica pag. 693.

(c) Loc. cit. §. 223.

(d) *Heister* compend. Anat. not. 51, pag. 96. *Petit* Act. Reg. Scient. Acad. an. 1722 & 28.

(e) *Lieutaud*, *Essais Anatomiques*, pag. 151 & seq. *Winslow* Act. Reg. Scient. Acad. an. 1721.

(f) *Clarif. Sue* Scholarum Professor Anat. in suis prælectionibus hanc semper evidentissimè demonstrat cameram.

adhuc pronunciare potuit, alii à glandulis, alii ope arteriarum sanguiferarum, alii denique ab arteriis ciliaribus hoc secerni existimantes. Nos vero cum celeberrimo *Hallero* arbitramur (& hæc est probabilior atque etiam certior opinio) in processibus ciliaribus aptissima adesse quædam vascula, hujusce liquoris generationi ac secretioni inservientia.

Crystallinus.

HUMORUM oculi secundus *crystallinus*, corpus pellucidum, lenticulare, ponè uveam sedem habet, ipsoque pupillæ centro respondet. Hujus colorem & consistentiam pro diversâ ætate differre ex observationibus clar. *Petit* constat (a). Hujus vero structura interna vix adhuc cognoscitur. Ex lamellis pellucidissimis, vasculosis, concentricis, eâdemque ratione dispositis, ac diversa strata quibus capæ sunt, hunc componi humorem probant factæ hucusquæ experientiæ. Celeberrimî *Boerrhave* hæc sunt verba (b): *lens optimè depurata detineatur in aquâ fervente: crusta externa alba fiet, fibrosa, & opaca. Deglubatur aciculâ lentè & patienter: adhibeatur microscopium. Secedet tota in pelliculas infinitè tenues, concentricas quarum una post alteram separari poterit, omnes autem reticulatis nexibus conjunctæ erunt.* Exteriora *crystallini* strata molliora esse *Morgagnius* quoquæ contendit (c): qui quidem vidit humorem aqueum, incisâ tunicâ *crystalloide*, in vitulis, bobus, & in ipsomet homine prodeuntem. Tenui includitur capsulâ lens *crystallina*, membranaceâ, duabusque tunicæ *vitreæ* lamellis efformatâ: anterior crassior, & quasi elastica per macerationem in aquâ tumescit, tuncque videtur duas habere pelliculas textu spongioso delicatissimo nec-non intricatissimo simul junctas.

Vitreus.

TERTIUS globi oculi humor *vitreus*, liquor gelatinosus, limpidissimus, in capsulâ tenuissimâ ac pellucidâ tunicæ *vitreæ* nomine gaudenti inclusus, posteriorem majoremque bulbi partem occupat. Exteriùs habet duas lamellas intimè inter se adhærentes, omnem massam posteriùs & in totâ suâ periphæriâ involventes, retinæque usque ad magnam coronæ ciliaris circumferentiam immediatè applicatas. Ab hâc vero coronâ usque ad foveam *crystallinæ* lenti excipiendæ destinatam in tunicâ *vitreâ* sulci deteguntur per visum plurimi ra-

(a) Loco jam pluries citato.

(b) Vid. Prælect. ejus Academi. tom. IV. pag. 188.

(c) Advers. Anat. tom. VI. pag. 90.

diatim dispositi, fusco nigrescente humore repleti, ciliaribusque processibus aptè respondentes. Tunica vitreae ambæ lamellæ tunc à se invicem discedunt, foveamque modò memoratam constituunt. Lamella autem interna in omnem massæ vitreae substantiam reflectitur, infinitasque producit cellulas humore limpidissimo repletas. Hæc est cellularis corporis vitrei structura à Riolano primùm excogitata (a). *Per substantiam humoris vitrei, inquit, diffunditur tunica hyaloides, cujus interjectu concretus apparet, nec fluidus redditur, nisi frequenti sectione solutis filamentis, tunc in aquam fluentem liquefit.* Quæ ut demonstraretur structura, in liquorem leviter acescentem, virtuteque coagulanti pollentem immergendus humor vitreus nuperimè separatus, vel gelu exponendus, quod melius ac certius quibusdam videtur. *Tunc enim, inquit Hallerus (b), in minores ab ite crystallos ille humor, quos summâ aciculâ à se invicem separare non est impossibile.*

VASA plurima tum sanguinea, tum nervea, atque etiam lymphatica globum oculi subeunt, variisque ipsius partibus impertiuntur. Arteriæ à carotide internâ originem suam trahunt. Ea enim è sinu cavernoso egressa nonnullos suppeditat ramos nervum opticum concomitantes, globumque penetrantes ad omnium illius partium nutritionem. Ex ultimis illorum ramusculis verticosa fiunt choroidis vasa, circuli que arteriosi ponè uveam conspiciendi, quorum alter ligamento ciliari, alter pupillæ distribuitur. Venæ jugulares externæ totidem venas ab ophthalmico sinu oriundas prædictisque respondentes arteriis excipiunt. Venæ à globo venientes in calvariam per orbitæ fundum penetrant, sanguinemque suum in orbitares sinus cum cavernosis communicantes fundunt. Inter omnes oculorum nervos maximus certe & amplissimus opticus. Globum perforat in suâ parte posteriori propè ipsius axim. Primam suam tunicam à durâ matre natam scleroticæ originem, secundam à piâ matre productam choroideæ originem, pulposæ denique illius substantiæ expansionem retinæ originem esse vulgò creditur. Alia sunt nervea filamenta à tertio pari, & ophthalmico ramo prodeuntia, quæ, perforatâ scleroticâ, evidentissimè in uveam progrediuntur, plexumque ciliarem brevi efformant. Globi musculus elevator, depressor,

Oculi vasa

(a) Anthrop. Lib. IV. pag. 273.

(b) Loco jam citato tom. IV. pag. 198.

adductor, parvus obliquus à tertio pari suos accipiunt nervos. Magnus obliquus totam quartum parem solus habet. In superciliares musculos serpit ramus ophthalmicus qui palpebrarum orbiculari, nec non glandulæ lacrymali nonnullos dat etiam ramos. A sexto pari nervum recipit abductor.

E C H I R U R G I A.

Etymologia
Staphylomatis.

Definitio.

HÆC est verbi Staphylomatis etymologia: σταφύλωμα τὸ derivatur à σταφύλη, id est, uva. Hinc latini affectum Staphylomatis vocant uvationem, eò quod protuberans cornea sæpius baccam uvæ minorem æmulatur. Sic definimus Staphiloma per speciei synecdochen cum Clar. (a) *David Mauchart*, Staphyloma est tumor ut plurimum mollis, membranaceus, extus vel in corneâ, vel in scleroticâ protuberans, ortus sive ex harum tunicarum præter naturam attenuatarum elevatione, protrusione, ac distensione per humorem aqueum solum, vel per & impulsam uveam, sive ab earundem tunicarum plenariâ perforatione, vel per hanc factâ tunicæ uveæ eruptione, magnitudine, figurâ, colore, numero, atque simpthomatibus varius, corneam denique, bulbumque ocularium, atque ipsum etiam visum vario modo nonnunquàm lædens ac destruens. Ex hâc definitione simplicem corneæ dilatationem vel herniam non esse Staphyloma facillè intelligitur: sæpe sæpius è contra fieri videmus in hunc corneæ tumorem impelli uveam, forasque eliminari, quod unanimi voce pronunciant omnes ferè Autores tum veteres, tum recentiores, ut in dissertatione jam laudatâ videre est.

SUNT tamen quidam Autores à generali aberrantes opinione, inter quos præcipuus D. *Guntz* (b), quique nequidem verisimile esse contendunt uveam ligamentis fixam & annexam in corneam incidere posse, vel per aperturam in hâc existentem exire. Hunc litem tanquam diremptum nobis habere fas sit, & Staphylomatis species ac differentię quænam sint enucleemus (c).

Species ac
differentiæ.

PLURIMÆ sunt Staphylomatis species ac differentię: modo enim in corneâ, modo in scleroticâ suam habet sedem: divi-

(a) In Collect. Thesum *Halleri* pag. 511, tom. I.

(b) In Disput. selectis *Halleri*, tom. I.

(c) Præterea omnes quæ huic particulari opinioni opponi possunt rationes clarissimè exponuntur perdoctâ in disputatione jam citatâ D. *Mauchart*.

ditur etiam in partiale & totale, simplex & compositum, recens & vetus, benignum & malignum, solitarium & complicatum, clausum denique & apertum. Dicitur Staphyloma clausum quando corneæ tunc aquam vel uveæ portionem continentis dilatatione formatur, nec adest in eâ apertura; dicitur apertum quando adest in corneâ apertura per quam vel humor, vel uvea extus cernitur. Distinguitur adhuc Staphyloma ratione magnitudinis in myocephalon muscæ caput referens, in Staphyloma propriè dictum acinum uvæ nascentem minorem æmulans, in melon sive malum, quando ita magnum ut palpebris contineri ac obtegi non possit; in elon denique sive clavum, quando horrendo spectaculo in globum foedissimamque massam accretum callosâ duritie imprimis discriminetur. Differt adhuc Staphyloma ratione figuræ, coloris, & crassitie: ratione figuræ est tumor vel hemi-sphæricus, vel sphæricus, vel plano convexus, vel conicus, vel gibbosus, vel angulosus; ratione coloris diaphanus est tumor, quando corneæ lamellæ naturalem suam servaverunt pelluciditatem, ad cyaneum è contra vergit colorem, quando ulcerosa aut cicatrice obducta fuit cornea; Respectu crassitie, siquidem Staphylomatis clausi crassities plerumquè tenuis est, & aliquandò, prægressâ, verbi gratiâ, ulceratione, & efformatâ dein cicatrice, densior evadit: multò autem adhuc compactior fit, si, ut in leucomate non rarè evenit, corneæ lamellis inniduleretur humor gelatinosus. Crassities Staphylomatis aperti maxima semper est, siquidem, prolapsâ foràs uveâ, insolitam brevi contrahat duritiem, crassissimumque degeneret in concrementum.

Ad omnia quæ totam corneam, vel quandam tantummodò hujus partem debilitare & attenuare possunt, qualia sunt generatim inflammationes, ictus, lapsus, vulnera, ulcera, abscessus, & alia, præcipuè referendæ sunt Staphylomatis causæ. In internas tamen & externas vulgò dividuntur. Priores sunt præter modò enumeratas ophthalmiæ, & diversorum remedium acriorum, verbi gratiâ, septicorum, atque etiam cathetericorum indiscreta & intempestiva quibusdam in oculorum morbis applicatio (a). Posteriores causæ sive internæ sunt quædam humorum vitia, plethora, virus venereum, va-

Causæ.

(a) Puellam se vidisse refert Clar. Guntz in cujus corneâ per exedentium medicamentorum usum natum est Staphyloma quæ agyrtam ad extenuandam cicatricem negligentius adhibuerat.

riolæ, pustulæ : quapropter etiam frequens pueris hoc malum esse solet, quorum corneæ, dum variolis laborabant, pustula infedit, præcipuè si, quod nostris mulierculis sæpè sæpius evenit, variis oculus medicaminibus fatigatus & irritatus fuerit. Incipiens verò aut jam formatum Staphyloma à vehementi vel frequenti sternutatione, tussi, vomituque subitaneum potest sumere incrementum, tuncque vel lamellis corneæ jam tum attenuatis ruptura aut crepatura induci, vel major prolapsæ uveæ pars protrudi. Quæ à corneâ per albuginem sensim laxatâ proveniunt Staphylomata rarissima quidem sunt; sed multò adhuc rarius scleroticæ membranæ Staphyloma, tum propter hujus densitatem ac firmitatem minoremque convexitatem, tum propter albugineæ tunicæ & tendinum musculorum oculi superjacentium robur, fortiolemque choroideæ adhæSIONem. Reliquas non solum res naturales, sed etiam non naturales, tanquàm Staphylomatis proegumenas & procatarticas causas habitas eò lubentius præterimus, quod nonnisi è longinquo & per intermedias plures alias causas ad Staphyloma producendum concurrant. Sed dux sunt semper existentes hujus morbi causæ, alia lamellarum corneæ attenuatio ac debilitatio, altera humoris aquei vel uveæ à tergo propulsio quâ cedere cogitur cornea, & in gibbum protuberare. His duabus absentibus causis, non posse evenire Staphyloma quis non videt? Si enim non attenuatur cornea, non etiam attolletur; si verò, etiamsi attenuata non attollatur, quod fit quando à tergo ab humore aqueo vel uveâ non premitur, in gibbum nunquàm protrudet ad Staphyloma producendum; subsidebit hæc potius, aut solâ tali attenuatione complanabitur.

Diagnosticum.

SIGNA Staphylomatis tum aperti, tum clausi non sunt æquivoca. Quæ hunc morbum plærumquè concomitantur phenomena, hæc sunt : ophthalmia modò levis, modò gravior, in aliis constans, in aliis periodica, vehementissima nonnunquàm, & maximè dolorifica. Vix lumen sustinet oculus affectus, sæpèque etiam omnino deletur visionis sensus, quod à corneâ plus minus-ve opacatâ, cicatrizatâ, vel uveæ distractione dependet. Agrypniâ, lateris affecti hemicraniâ, palpebram movendi impotentiâ, illacrymatione tandem ferôsâ, vel fluxu sanioso nonnunquàm laborat æger. Phenomenum vero Staphylomatis maximè constitutivum in corneæ tumore, elevatione, vel protuberantiâ poni uno ferè ore consentiunt Autores. Notandum

verò, & hæc est D. *Mauchart* observatio, quod in casu rupturæ ac patentioris corneæ inflicti foraminis procidens uvea tumorem quidem suprâ corneam efficiat, tunc verò ipsa cornea frequenter collapsa sit atque corrugata, effuso jugiter per illud vulnus humore aqueo, qui fornicem corneæ naturaliter sustinere debet.

DIVERSOS inter oculum afficientes morbos nonnulli sunt qui cum Staphylomate facilè confundi possunt. Talis est hydrophthalmia sive oculi hydrops in quo morbo cornea quoque sicut in Staphylomate prominet: sed hæc est differentia specialis, nempe quod in priori morbo æqualiter promineat cornea, & in totâ suâ periphæriâ distendatur, in posteriori verò morbo contrarium fiat, cum limitetur tumor, nec plerumque totam occupet corneam. Præterea rarissimè hydrophthalmia, sæpissimè autem Staphylomati jungitur ophthalmia. Ut paralampsis à Staphylomate distinguatur, illius morbi definitionem innotescere sufficit, siquidem paralampsis cum sit macula corneæ resplendens, elata, omnemque luminis radiis transitum præcludens, cum antea datâ Staphylomatis definitione nullo modo consonat. Peculiares aliorum oculi morborum differentias cum Staphylomate omittendas censemus, tùm quod prolixius de his sequeretur sermo, tùm quod propria singuli habeant symptomata quæ cum Staphylomatis symptomatibus minimè respondent.

Quò graviora sunt Staphylomata, eò periculosiora: sed generatim dici potest omne Staphyloma simplex sine ullo visu periculo esse, atque etiam sine ullo dolore. Non idem est quando simul afficitur tunica adnata. Tunc enim venæ ampliata tument, & inflammatio, atque interdum unguis aut pterygium vel pannus supervenire solent. Minimum periculi habet Staphyloma quod exiguam tantum aliquam corneæ partem occupat, præcipuè si non in ipso pupillæ loco adsit. Staphyloma & per se, & quando ablatum est, visui parum nocet. Neglectum verò graves excitat ophthalmias cæcitatem brevi procreantes, si ad interiora penetrent, & crescere Staphyloma facientes, vel in ulcus malignum degenerare, unde sequitur globi oculi erosio. Staphylomata magna, totumque ferè oculum occupantia visum plerumquè omninò destruunt, nec arte curari possunt. Fit interdum ut oculus rumpatur, ex quo immedicabile nasci solet carcinoma.

IN radicalem & palliativam primò potest dividi Staphylo-

Prognosticum.

Curatio.

matris curatio. Curationem palliativam obtinebit Chirurgus, si impediatur ne protuberantia augeatur, si corneae crepaturam præveniat, ulcerosam exsiccat manationem, humorem denique cancrum limitet. Ad curationem radicalem plura sunt implenda munera: corneae vel scleroticae protuberantia delenda, suaque huic membranæ naturalis restituenda convexitas, prolapsæ partes, si quæ sint, quam primum reponendæ, vel si reponi non possint, septicis, forfice, aut ligaturâ extirpandæ, corneae vulnus consolidandum, ad ultimum denique mali gradum cornea vel sclerotica incidenda, humores evacuandi, & dehinc oculus artificialis applicandus; ad hanc duplicem Staphylomatis curationis speciem ut perveniatur, tria sunt media amica sibi que manus præbentia, nempe dicta, Pharmacia, & Chirurgia. His adhibitis vel simul vel separatim pro diverso casu, modò enumeratæ implentur indicationes. Certum tamen est majus tutiusque adversus omnia ferè Staphylomata periti in manu Chirurgi fortioribus quàm in medicamentis præsidium esse. Necesse autem ut in Staphylomatis curatione pertractandâ ordinem servemus, antequam media explicemus Chirurgica, examinandum primò num reverâ medicamentis & quibus-nam Staphyloma possit curari.

*Curatio quæsit
per medicamenta.*

Ad primæ quæstionis solutionem certâ ex diversorum Auctorum observatione apparere dicemus per quædam medicamenta quædam quoque Staphylomatis species curari posse. Sic inter veteres *Galenus* cantharidum succo oculum affectum illinere jubet, & quidem cum successu (a): ipsum *Nonus* sequitur (b), & *Actuarius* (c): *Alexander* medicamentum commendat quod chalcitidem habet (d): collyriorum in quibus æs ustum ingreditur, cadmia, & quæ exedunt corpus alia suadent *Paulus Aegineta* (e), pariter ac *Guido de Cauliaco*, & *Valescius de Taranta*. Inter recentiores Autores ligni sancti fructus immaturos, contusos, & oculo affecto applicatos præscribit *Fabricius ab Aquapendente* (f). Huc pertinent fomenta atque collyria à *Plempio* laudata (g), aquaque aluminosa ab

(a) De Compos. Medic. sec. loc. lib. IV. cap. 2.

(b) De Partic. morb. curat. cap. 7.

(c) Loc. cit. lib. VI. cap. 5.

(d) Lib. II. cap. 6, p. 152.

(e) Lib. III. cap. 22.

(f) Loc. cit. pag. 25.

(g) Ophthalmogr. lib. V. cap. 22.

Antonio-Maire-Jean (a) & Heistero proposita (*b*). Sæpè jam citatus *Guntz* scribit tutissimam nec-non certissimam Staphyloma myocephalon dictum & aliquam tantum corneæ dilatatae partem occupans curandi rationem esse eam quam à D. *de Saint-Yves* Parisino oculario & præceptore suo accepisse dicit (*c*), & quæ sic se habet: in summo Staphylomati lapis infernalis admoveretur, idque iterum & tertio repetitur, donec per hunc levis aliqua moveatur supuratio, tunicis laxatis cornea se contrahat, ac denique tumor primò imminutus, exigua quâdam cicatrice inductâ, tandem totus tollatur. Per hanc curationem homini videndi facultatem propemodum planè reditam fuisse addit idem Autor.

MEDICAMENTA acia, septica, & caustica qualia veteres atque nonnulli recentiores Staphylomati applicari jusserunt ad illud consumendum & extirpandum, valde dubia si non periculosa censemus. Suspensâ certè manû, magnâque cum cautione, & non-nisi in minoribus Staphylomatibus, absente etiam graviore ophthalmiâ, & acri vel cancrôsâ humorum collavie adhiberi debent. In hoc quoque casu cum D. *Mauchart* quasi universali & majori applausu recepta anteponenda judicamus medicamenta tonica vel adstringentia in formâ pulveris, balsami, unguenti, mucilaginis, collyrii humidi, decocti, vel alio quocumque modo præparata, quæ & tunicas corneæ vel scleroticæ laxatas, attenuatas, crepaturæque proximas, & partes è tunicis ruptis prolapsas roborent, contrahant, ac propellant. Alumen crudum, lapis hæmatit. Sanguis draconis, succus simphyti recentè expressus, & similia medicamenta valde utilia esse possunt, dummodò tempore, usu, locoque debito adhibeantur. Hæc autem omnia hucusquè laudata remedia in illo potissimum valent Staphylomate à solâ lamellarum corneæ dilatatione, nimiaque illarum expansione dependente, vel in quo post peractam uveæ repositionem parva superest apertura quam arctius contrahere necesse est, novus ut præcaveatur uveæ prolapsus.

MEDIA tutiora, certiora, è Chirurgiâ desumpta tria sunt nempe compressio, ligatura, & ferrum. Compressionem à

Curatio quæstio
per compressio-
nem.

(a) *Traité des Maladies des Yeux*, p. 446.

(b) *Inst. Chir. de Staph.*

(c) Mirandum certè quod D. *de Saint-Yves* de usu lapidis infernalis contra Staphyloma in suo de oculorum morbis libro nihil dicat, & ulceribus tantum in tarsis palpebrarum eum affricet, p. 220.

Jesu Hali filio inventam fuisse sciendum : *Voolhoufius* ait se omnes Staphylomatis species cum visus instauratione per compressionem curare in infantibus, aliisque omnibus qui ad annos pubertatis nondum pervenerint. Existimat *Clar. de la Faye* (a) Staphylomate laborantibus compressione optimè succurri. Nos etiam compressionem utilem censemus sive ad quædam tollenda Staphylomata, sive ad aliorum augmentum impediendum, inutilem verò vel potiùs nocivam in Staphylomatibus ad proximam mox degeneraturis ulcerationem, & quorum attenuatæ tunicæ crepaturam minitant. Idem statuendum de iis qui cum viru quodam, vel perpetuo humorum fluxu conjunguntur. Locum etiam non habet compressio contrà partem uveæ prolapsam, quæ sic periculosè contunderetur, sed adhiberi potest post ipsius reductionem, uti postea dicemus. A compressione denique sedulò abstinendum magno in Staphylomate, clauso, totali, inveterato, & occallescentibus ejus lamellis. Duplex est Staphyloma comprimendi methodus, siquidem potest fieri compressio vel simpliciter cum spleniis longitudine & latitudine diversis, & per fasciam contentis, vel compositè cum machinis aut instrumentis quibusdam ab Autoribus inventis & huic operationi idoneis. Sic perficitur prior compressionis methodus per sola splenia. Applicatur primò super oculum affectum lamina plumbea, ita figurata ut nimis comprimi non possit oculus: deinde imponuntur splenia quæ triangularia esse debent, è quadruplicato linteo complicata, & alia aliis majora. Post splenia circum-ducitur pars fasciatione quæ audit simplex vel duplex oculus, & sic applicari debet ut sufficienter & debito loco premat fascia. Mutatur hæc deligatio pro symphomatum & circumstantiarum ratione vel per trihoria, vel per sihoria, vel & tardiùs.

Compressio per
machinas.

POSTERIOR compressionis in Staphylomate methodus per machinas ea est præcipuè quam invenit *Voolhoufius*, & vocavit *remboitement*. His mediis & hoc modo suam celebrat methodum. Capsulam habet hemisphæriam è cornu, plumbo, argento, auro-ve tornatam, & oculi tum diametri, tum convexitati respondentem. Antequam illam applicet, mucilaginé vel unguento convenienti illam irrorat. Palpebris tunc satis deductis, parti protuberanti placidè admoventur, ita ut hanc ingrediatur oculus: palpebræ postea desuper clauduntur, sple-

(a) Remarques sur *Dionis*, pag. 547.

niisque obteguntur fasciâ contentis. Hæc methodus magnâ cum cautione adhibenda, siquidem, ut ingenue notavit ipse *Woolhousius* (a), ex solidorum atque durorum ejusmodi corporum immediatâ impositione gravissima sequi possunt accidentia. Non potest autem rursû adhiberi compressio sive per sola splenia sive per machinas quin antea reponatur uvea, si prolapsa fuerit. In hoc casu hæc est hanc membranam reponendi via. Ægri capite in declive inclinato, palpebram eo in loco parti prolapsæ subtus respondente leniter digitis fricat Chirurgus, quod sæpè sufficit ad reductionem, vel specillo tenui è corneâ vel balânariâ virgâ facto, & apicem levissimè flexum ac latum habente placidissimè retruditur uvea, & intrâ primæ oculi cameræ cavum reponitur. Sæpe autem fit nimis angustum esse corneæ vulnus aut foramen ut reponi possit uvea. Scalpello falcato tunc ampliandum est illud vulnus; sed incisio celebranda in illo vulneris angulo vel latere quod plagam non deducat, neque versus corneæ centrum, neque in corneæ circulum, quoniam in priori loco consolidatâ plagâ, opaca quæ remaneret cicatrix visui noceret, & in posteriori loco separatio uveæ à corneâ vel scleroticâ, aut supuratio interna, vel hipus iridis sequerentur, quod accuratè vitandum. Dilatatione factâ, reducitur uvea, ut dicebamus modo. Si labia vulneratæ vel ruptæ corneæ callosa sint, hæc scalpello vel subtilioris xystri-vegetabilis ope scarificanda.

REDUCTA tandem uveâ labiis corneæ vulneratæ frustulum vesicæ bracteatorum auri imponendum, collyrio ex albumine ovi cum radicis simphyti succo prius imbutum. Compressio deinde mediis supra recensitis adhibetur, donec novella consolidati vulneris cicatrix penitus confirmata fuerit. Duobus mediis curativis, id est, medicamentis & compressioni modò propositis cedere Staphyloma rarum est, sæpè quæ ad operationem quâ illud extirpatur veniendum. Quæ quidem operatio duobus fieri potest modis, nempe ligaturâ & incisione.

Ex veterum scriptis dijudicare facillimum est ligaturam illos in Staphylomate extirpando incisioni antepone, scalpello adhibito humores omnes oculi sine ullâ horum reparatione effluere debere existimantes. In ligando Staphylomate acum & filum plurimi adhibebant: quidam tamen Staphyloma

*Staphylomatis
curatio per liga-
turam.*

(a) Dissert. Ophthalm. p. 340.

mori cogeant flaccidumque decidere filo sine acu injecto, & nodo sensim constricto. Primus hanc proposuisse methodum videtur *Guido de Cauliaco*. Plures ne linum quo duplici utebantur effugeret, cum eo acum per imam medii Staphylomatis partem trajiciebant, ejusque duo capita ex superiore, & alia duo ex inferiore parte inter se adstrinxerunt. Hæc erat *Celsi* methodus. Sed *Aetius* cum quo Græci & Arabes ferè omnes consentiunt, & *Paulus Aegineta* in magno tumore hæc non sufficere rati, jusserunt prius aliam acum ad ipsas radices per medium tumorem ab inferiore parte versùs superiorem trajicere, tumque aliâ acu duo lina ducente versùs angulos oculorum transuerè, & quæ modo dicta sunt perficere. Extribus his auxiliorum generibus primum utile esse posse, & quidem cum successu adhiberi non diffitemur; sed de duobus aliis idem non sentimus, eò quod inflammationes, dolores, ophtalmias graves sapissimè excitant (a). Accedit præterea quod cum magno oculi detrimento uvea posteriorem corneæ partem occupans per acum transigi possit. A quodam Chirurgo Staphylomatis operationem ad *Celsi* modum dextrè celebratam vidit *Antonius Maître-Jean*; postquam elapso ad diem nonum Staphylomate cum filo, bulbus oculi per vulnus relictum totus fuit exinanitus & collapsus, foramen corneæ tamen denique consolidatum est, & cicatrice obductum, mediante quæ sequebatur supuratione. Aliud exemplum Staphylomatis angustâ basi gaudentis & octavo dehinc die spontè separati post ligaturam, sed remanente hinc exili fistulâ per quam per vices effluebat humor aqueus recenset idem Autor. Ex his concludendum, ni fallor, curationes Staphylomatis per ligaturam rarissimè solum esse tentandas, & in solis Staphylomatibus clausis & partialibus, in quibus nempe pars tantum aliqua corneæ extus propulsa protuberat: nam ubi maxima hujus pars, vel tota prominet, ita ut malum magnitudine referat, vel si pluribus Staphylomatibus proliferis ac racemosis obsita est, unica ægro restat salutis via in operatione Chirurgicâ per scalpellum adhibitâ, ad quam ergò, ut ex antea dictis apparet, in extremâ tantummodò necessitate confugere debet prudens ophtalmiater.

(a) Clar. *Guntz* exemplum affert in sua disput. de Staphylomate talis curationis per ligaturam unico filo absque acûs transmissione à se factam.

STAPHYLOMA per scalpellum operandi quinque in Autoribus descriptæ inveniuntur methodi. Prima à veteribus & præcipuè à *Celfo* commendata in eo consistit, quod in summâ parte Staphylomatis ad lenticulæ magnitudinem cornea inciditur, & excedentia deinde super tumorem applicantur medicamenta. *Actius*, *Paulus Aegineta*, & inter Arabes *Jesu Hali filius* hanc quidem methodum sequebantur: sed Staphylomata quæ latiore habebant radicem acu linum trahente primò transuebant, deindè apicem refecabant, & sic ex duplici *Celfi* curatione unam faciebant.

*Staphylomatis
curatio per scalpellum.
Prima methodus.*

SECUNDA Staphyloma operandi methodus jam olim à *Jesu Hali* filio proposita, & post eum à *Thevenino*, & *Dionysio* celebrata ab eâ parùm differt quæ ad corneæ hydropem in hydropthalmi curatione ab iisdem commendatur.

Secunda methodus.

TERTIA methodus ab uno nostræ ætatis oculario nomine *Saint Yves* inventa sic celebratur: acu modicè curvâ & scindente, filumque sericum trahente medium Staphyloma transfigitur, filoque trajecto retrahitur acus, extrema tandem fili ad se attrahit operator, eaque manu sinistrâ contorquet. In hoc situ lanceolâ vel parvo scalpello dextrâ apprehenso manu tumorem ultrâ filum incidit, reliquumque uno forficis ictu abscindit. In hac operandi methodo acus & filum adhibentur non scopo ligandi, sed ut magis attollatur, firmitusque teneatur tumor: ab his verò instrumentis sedulò abstinendum, si vel digitis vel vosellâ satis apprehendi possit tumor, ut incidatur: Sic clavum ex oculo propendentem longitudine digitorum articuli, & speciem Staphylomatis referentem, sinistræ manûs binis digitis comprehendit *Heisterus*, forficeque idoneâ laud infelicitè ad radices abscidit.

Tertia methodus.

QUARTUS operandi Staphyloma modus à *Woolhouso* datus fuit. In hac operatione transversim primò incidit bulbum oculi cum scalpello falcato à cantho majori, versùs usque corneæ circulum in cantho minori; pergît dein incisionem ab inferiore parte usque ad superiorem, ita ut ex duabus illis incisionibus figura crucialis resultet. Post hæc non solum omnes humores evacuat, sed etiam omnes oculi tunicas atque etiam retinam, aufert, cujus ne vestigium quidem relinquit. Sanguinis serique fluxum hinc concitatum per aliquot plorate horas permittit, intereâ verò faucium oculum tepido jugiter fovet decocto. Primâ vespërâ parùm unguentû

Quarta methodus.

basilici nigri oculo immittit, altero die aliquas angulorum corneæ lacinias rescindit. Si vulneris crucialis angulos super se invicem implicari animadvertit, illos tunc vossellâ coordinat, & ad mutuam æqualemque disponit conjunctionem. His rectè observatis, globum hunc oculi intra octo vel decem dies repleri, cicatricemque multùm procedere contendit.

Quinta methodus.

QUINTUS denique Staphylomatis operationem faciendi modus ab eodém Autore *Woolhoufio* sic celebratur: oculum in scleroticam unâ alterâ-ve lineâ (sed una plarumque sufficit) à circulo corneæ externo incipit, & sic circumcidit, ut tota atque integra cornea unâ cum sclerotica parte in circulo rescindatur, undè ablato hoc oculi anteriore quasi hæmisphærio, & resectâ uveâ, facilè sequuntur, atque etiam spontè exeunt illi adhærentes humores. Si verò non sequuntur, digitis possunt exprimi, aut subsequente supuratione, paulatim decidunt unâ cum choroideâ atque retinâ, & brevi excernuntur.

Quandonom celebrari debeat singula hac methodus.

INTER illas quinque Staphyloma operandi methodos mox à nobis descriptas unam tantùm nempe secundam ad radicalem morbi curationem celebrari non posse idè existimamus, quia ea morbum non tollit, sed ad tempus solùm levat, siquidem tumor postea semper adsurgere soleat. Quatuor aliæ methodi pro diversâ Staphylomatis specie convenire possunt. Sic prima methodus vel *Celsi* operatio in Staphylomatibus pellucidis, nec in summâ tumoris parte multùm erosus, & quæ omnem aciem non corruperunt feliciter adhiberi potest. Tertia methodus ab *Yvesio* data in eo tantùm Staphylomate locum habere potest quod aliquam corneæ adhuc pellucens partem occupat, nequè vetus est. Hic de Staphylomate clauso & partiali præcipuè agitur in quo nempe pars tantùm aliqua corneæ sublata protuberat. Quartus operandi modus ad illam Staphylomatis speciem celebratur quæ *μυλόν* sive malum audit. Quintam denique methodum in ultimo tantummodò casu adhibendam Staphylomatibus proli-feris ac racemosis, vel totam corneam occupantibus, vel denique in cancrum horrendum visu degeneratis convenire evidens est. Sed illæ duæ ultimæ operationes, tanquam oculi extirpationes potiùs quàm Staphylomatis ablationes considerari debent.

Conclusio.

Ex his omnibus modò allegatis concludere licet in Staphylomate, ubi ad scalpellum decurrendum est, omne Sta-

phyloma eodem curare modo non expedire, & unumquodque particularem nonnunquam exigere operationem. Quâcumque verò methodo operatum fuerit, præter apparatus applicationem, & ægro situm post operationem dandum, qui varius esse debet pro diverso corneæ statu vel pro oculo affecto, nonnulla sunt etiam celebratâ operatione, vigilantia ab ophthalmiatre attendenda. Sic vehementi quæ aliquandò supervenit inflammationi venæ sectione tum in brachio tum in pede institutâ succurritur. Supurationi, si nimia sit vel acris, opponuntur remedia leniter ficcantia, tonica, balsamica, & spiritiosa: si verò parciior sit, topica emollientia, cataplasmata, digestiva, collyria, supurantia sæpè sæpius adhibeantur. Post curationem nonnunquam evenit corneæ fistulam remanere, cui verò remediis contra hunc morbum cognitis, quæque hic evolvere non est locus salutare affert auxilium benè edoctus Chirurgus. Quin-imo similis fistula à solâ naturâ aliquandò curatur, nec talis curationis exempla desunt. *Antonius Maître Jean* refert (a) fistulam corneæ post septem vel octo menses coaluisse per excrescentem ex ejus orificio parvulum carnis globulum successivè obfirmatum, & cum corneæ substantiâ deinde unitum.

(a) In suo libro jam citato, pag. 454.

FINIS

